

▲函電▼

電

貴陽王總司令文華悼程總長璧光贊成林總司令葆懌電

孫大元帥鈞鑒諸公宥電敬悉程公玉堂首先率師南下宣言護法各省風從羣奸奪魄善良昭蘇薄海同欽方冀拓清中原而竟遽遭賊害飛來噩耗悲痛曷勝國會議決國葬典禮請速舉行以慰央靈林總司令悅公有功民國物望優崇繼任海軍華深贊同尤懇迅速接辦以淨妖孽以竟程公之志不勝盼禱之至王文華哭叩陽印